

Was merr su babbeld

Honnes? Honnes?

Ja-aa.

Wo bissden?

Im Keller, isch kumm gleich die Trebb enuff.

Doo bissde joo.

Ja.

Was hosden im Keller gemacht?

Im große Regal e Buch gesuchd.

Unn, hosdes gefunne?

Naa.

Was suchsden ferr e Buch?

Dess Buch iwwer die Römer.

Iwwer die Römer? Was willsden mett dene?

Isch will ebbes noochgugge.

Noochgugge? Ei was donn?

Weesche dere Varusschlacht.

Ei ja.

Mir sinn doch doo irschendwo gewese.

Ja, vor Johrn inneme Museum.

Unn mir fällt nimmi oi, wo dess war.

Dess war, dess war ...

Waaßde aach nimmi, odder?

Awwer dess fällt merr noch oi.

Mir sinn im Museum gewese unn donn ...

Unn donn?

... sinn merr enn Weesch ennunner gedabbd.

Ja, wo die Germane die Römer, no ja.

Also sesommegehaa hawwe, ja.

Wie hodden der Owwergermane gehaaße?

Dess war Hermann der Cherusker.

Unn der Römerowwerste war de Varus, gelle.

Dess wisse merr also noch, nor ..

Nor wo merr gewese sinn, wisse merr nimmi.

Naa, dess wisse merr nimmi.

Doch. Jetzt fällt merr oi, dir nitt?

Naa, immer noch nitt.

Bei dir rieselt halt de Kalk.

Su ebbes seet merr nitt zu soim Monn.

Dess war joo aach e Eselsbrigg ferr dich.

E Eselsbrigg?

Ja, ferr derr druffsehelfe wo mir gewese sinn.

Mir druffsehelfe, obwohl de Kalk rieseld?

Ja. Jetzt missde awwer druffkumme.

Klar! Die Brigg ferr misch alde Esel war gut.

Unn, Honnes, wo sinn merr gewese?

Honne537

Ei in Kalkriese.

Eiern Honnes